

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna Naalakkersuisunit saqqummiunneqarpoq:

Kalaallit Nunaanni eqqartuussisarnermik inatsisip allangortinneqarnissaanut inatsisissatut siunnersuutip (Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaannut piginnaatitaanera il. il.) kiisalu pillaasarnermik inatsisip, eqqartuussisarnermik inatsisip, aningaasanik malunnaarunnaarsaasarneq pillugu inatsisip aamma inatsisit allat assigiinngitsut pillugit inatsisip allangortinneqarnerata ilaanik Kalaallit Nunaannut atuutilersitsinissamut peqqussutissatut missingiut pillugit Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut (Aatsitassanut Inatsisillu Atuutsinneqarnerannut Naalakkersuisoq)

Tungavilersuineq

Kalaallit Nunaanni qallunaat akisussaaffeqarfiisa ineriartortinnissaannut naalakkersuisut Namminersorlutillu Oqartussat suliaqarnerannut ilaatillugu inatsisissatut siunnersuut suliarineqarpoq. Kalaallit Nunaanni eqqartuussisarnermik inatsimmi allanguutinik pingaarnertut inatsisissatut siunnersuut imaqarpoq, tamarmillu Kalaallit Nunaanni inuiaqatigiit Danmarkimisut sullinneqarnissaasa qulakkeerneqarnissaannik siunertaqarput, taamaalillutik suliani immikkut ittumik katitigaasuni Pinerlunnernut Immikkut Isigisarialinnut Nuna tamakkerlugu Immikkoortortaq Kalaallit Nunaanni Politiinut ikiuinissaminut piginnaasaqartinneqalerluni.

Politiit unnerluussisussaataasullu aningaasaqarnerat pillugu 2021-imiit 2023 ilanngullugu ukiunut arlalinnut qallunaat naalakkersuisuisa isumaqatigiissuteqarnerat aallaavigalugu, inatsisikkut nr. 2601, 28. december 2021-meersukkut Pinerlunnernut Immikkut Isigisarialinnut Nuna tamakkerlugu Immikkoortortaq Danmarkimi pilersinneqarpoq 2022-milu 1. januar atuutilerluni. Matumuuna politiini unnerluussisussaataasunilu politiini- aamma unnerluussisussaataasuni sulianut piginnaasat iluanni immikkut ilisimasaqarnerpaat ataatsimoortinneqarput immikkoortortaqarfimmilu ataatsimi katersorneqarlutik. Inatsisinik unioqqutitsinerup immikkut ittumik annertussuseqarnera, aaqqissuussaasumik pinerluuteqartarnernut ilaanera, nunani allani inatsisit atortinneqarnerannut oqartussanik katitigaasumik suleqatiginninnissamik kinguneqartussaanera, immikkut issusilimmik periaaseq atorlugu pinerluutigineqarnera imaluunniit allatut immikkut ittumik erseqqissakkamik suussuseqarluni inatsisinik unioqqutitsisoqarnera, pissutissalimmik isumaqartoqartillugu, suliat isumalluutinik atuiffiunerpaat aamma assigiinngitsunik katitigaanerpaat ilaat Pinerlunnernut Immikkut Isigisarialinnut Nuna tamakkerlugu Immikkoortortap misissoqqissaartarpai pillaatissiissutigineqarnissaallu suliarisarlugu. Pinerlunnernut Immikkut Isigisarialinnut Nuna tamakkerlugu Immikkoortortaq politeqarfittut aaqqissuussaavoq nammineq unnerluussisussaataasoaqarluni aammalu suliaasaqarfimmi nunami tamarmi sulianik

naammassiuminaatsunik isumaginninnissamut piginnaatitaalluni. Suliassa qarfiit sorliit, Pinerlunnernut Immikkut Isigisarialinnut Nuna tamakkerlugu Immikkoortortap suliassa qarfianut ilaatinneqassanersut pillugit Inatsiseqarnermut Ministeri malittarisassanik erseqqinnerusunik aalajangersaanissaminut piginnaatitaaffimmik tunineqarsimavoq. Tamatuma peqatigisaanik isumaqatigiissut aallaavigalugu pisortani unnerluussisussaataasumik nutaamik pilersitsisoqarpoq, Immikkut Pinerluuteqarneq pillugu Naalagaaffiup Unnerluussisussaataitaa, taannalu ilaatigut Pinerlunnernut Immikkut Isigisarialinnut Nuna tamakkerlugu Immikkoortortap katitikkanik pillaatissiissutaasinnaasunik suliaqarneranik nakkutilliisuusaaq.

Tamatuma peqatigisaanik Pinerlunnernut Immikkut Isigisarialinnut Nuna tamakkerlugu Immikkoortortap aqutsisuisa ataanni aningaasatigut peqquserluutininik malunnarunnaarsaasarnernut aamma peqqarniisaarnernut aningaasalersuineranut akiuiniarnerni ajornaatumik sulinnissamut suleqatigiinneq pilersinneqarpoq, tassani oqartussa qarfiit attuumassuteqartut aamma suliffe qarfiit toqqakkat aammalu inuit attuumassuteqartut aningaasatigut peqquserluutininik malunnarunnaarsaasarnernit aammalu peqqarniisaarniarnernik aningaasalersuisarnernit ilungersunartut aamma katitigaasut akiornissaat aamma pitsaaliornissaat pillugu qanimut suleqatigiissallutik. Suleqatigiinnermi pinerluttulerinnermi suliassa qarfiit allat Pinerlunnernut Immikkut Isigisarialinnut Nuna tamakkerlugu Immikkoortortap suliassa qarfiinut ilaatinneqartut pillugit inatsiseqarnermut ministeri malittarisassanik erseqqinnerusunik aalajangersaanissamut piginnaatinneqarpoq. Suleqatigiinnermi oqartussa qarfiit peqataasut pingaarnertut tassaapput politiit, akileraartarnernut ingerlatsivik aammalu aningaasatigut peqquserluutininik malunnarunnaarsaasarnernut suliassa qarfimmi nakkutilliinnermut oqartussaas qarfiit. Namminersortut peqataasinnaasut tassaapput, suliffe qarfiit amma inuit aningaasatigut peqquserluutininik malunnarunnaarsaasarneq pillugu inatsimmi ilaatinneqartut, assersuutigalugu aningaaseriviit. Suleqatigiinneq ilaatigut pinerlunnerit ingerlanneqartut sukkanerusunik paasineqarnissaannut, unitsinneqarnissaannut aammalu pillaatissiiniarluni suliassanngortitsinnermut iluaqutaasinnaavoq, soorluttaaq suliffe qarfiit aningaasersuinermik ingerlatsisut aningaasatigut peqquserluutininik malunnarunnaarsaarnernit il. il. pitsaaliorniarlugit suliniuteqarnerannik patajaallisaasussaasoq. Tamatumunnga atatillugu, suleqatigiinnermi paasissutissanik ingerlatitseqqiisinnaanermik isumannaarisunik qallunaat eqqartuussisarnermik inatsisaanni inatsisitigut sinaakkutininik aalajangersaasoqarsimavoq, matumani aningaasatigut peqquserluutininik malunnarunnaarsaarnernit aammalu peqqarniisaarniarnernut aningaasalersuisarnernit pitsaaliorniarlugit aamma akiorniarlugit suliaqarnermut paasissutissat isertuussat pingaaruteqartut suliassamut pingaarutillit ilanngullugit. Tamatuma peqatigisaanik paasissutissanut suleqatigiinnermut atatillugu tiguneqartunut tunngatillugu nipangiussisimasussaataitanermik immikkut ittumik eqqussisoqarpoq.

Kalaallit Nunaanni inuiaqatigiit Danmarkimisulli sullinneqarnissaat siunertaralugu, Kalaallit Nunaanni eqqartuussisarnermik inatsisip allanngortinneqarnissaa pisariaqartinneqarpoq, taamaalilluni Kalaallit Nunaanni pissutsit pissutigalugit allanngortitsinnerit ilanngullugit, Pinerlunnernut Immikkut Isigisarialinnut Nuna tamakkerlugu Immikkoortortap aamma

ajornaatsumik sulinissamut suleqatigiinneq Kalaallit Nunaanni ingerlanneqarsinnaaniassammat.

Kalaallit Nunaanni eqqartuussisarnermik inatsimmi ilaatigut nutaatut § 62 h-p eqqunneqarnissaa inatsisissatut siunnersuut aqquutigalugu siunnersuutigineqarpoq, tassuunakkullu Pinerlunnernut Immikkut Isigisarialinnut Nuna tamakkerlugu Immikkoortortaq Kalaallit Nunaanni sulianik ingerlatsinissamut piginnaasaqartitaalissaaq. Ullumikkut taamaallaat Kalaallit Nunaanni politiinit suliat suliarineqarsinnaasunik, sulianik isumalluutitigut oqimaannerpaani aamma assigiinngitsunik katitigaanerpaani paasiniaanermik aamma pinerluttulerinermut tunngatillugu pillaatissiiniarluni suliassanngortitsinermik immikkoortortaqarfiup ingerlatsinissaa tamatuma kinguneraa. Taamaalilluni pillaatissiiniarluni eqqartuussivinni suliassanngortitsinerni najukkani eqqartuussiviit, Nunatsinni Eqqartuussivik aamma Nunatta Eqqartuussisuuneqarfia ilaatinneqassapput. Kalaallit Nunaanni pinerluttulerinermi suliassaqaarfiit sorliit, Pinerlunnernut Immikkut Isigisarialinnut Nuna tamakkerlugu Immikkoortortap suliassaqaarfianut ilaatinneqassanersut, aamma tassunga taarsiullugu piumasaqaatit suut ataanni pinerluutit eqqartuussivinni suliarineqarneranni Kalaallit Nunaanni Politiit misissussaneraat, pillugit Inatsiseqarnermut Ministerip malittarisassanik erseqqinnerusunik aalajangersaasinnaanera tamatuma peqatigisaanik siunnersuutigineqarpoq. Tamanna ingammik pisuni, Kalaallit Nunaanni pissutsinut paasisimasqaassuseq suliame aalajangersimasumi immikkut ittumik pingaaruteqarpat, pissaaq.

Aammattaq inatsimmi tassani nutaamik § 62 i-mik ikkussisoqarnissaa siunnersuutigineqarpoq, tamatumalu kingorna Pinerlunnernut Immikkut Isigisarialinnut Nuna tamakkerlugu Immikkoortortap ataanni ajornaatsumik sulinissamut suleqatigiinneq, Danmarkimi pilersinneqartoq, aamma Kalaallit Nunaanni atuutissalluni. Kalaallit Nunaanni pissutsinut tunngasunik sulianik ingerlatsisoqaraangat, qallunaat kalaallillu sullissisut attuumassuteqartut suleqatigiinnermi peqataasarnissaat piumasarineqarpoq, matumani Kalaallit Nunaanni oqartussat aamma sullissisut namminersortut toqqakkat, kalaallit aningaasatigut peqquserluutitik malunnarunnaarsaaneq pillugu inatsisaanni ilaatinneqartut ilanngullugit. Tassunga atatillugu inatsisitigut sinaakkummik aqquutissiuussinissaq, aamma Kalaallit Nunaanni paasissutissanik avitseqatigiissinnaanermik isumannaarisumik siunnersuutigineqarpoq, matumani paasissutissat isertuussat, aningaasatigut peqquserluutitik malunnarunnaarsaasarnerp aamma peqqarniisaarniarnernik aningaasalersuisarnerp pitsaallorneqarnissaannut aamma akiornissaannut pingaaruteqartut ilanngullugit. Suleqatigiinnermi isertuussinissaq pisariaqartoq isumannaarumallugu, paasissutissat suleqatigiinnermut atatillugu tiguneqartut pillugit nipangiussisimasussaatitaanermik immikkut ittumik eqqussisoqarnissaa taamatuttaaq siunnersuutigineqarpoq. Naggataagut suleqatigiinnermi suliat aningaasatigut peqquserluutitik malunnarunnaarsaasarnermut aamma peqqarniisaarniarnernik aningaasalersuisarnermut tunngassuteqanngitsut suliarineqarsinnaanerinut inatsiseqarnermut ministeri malittarisassanik erseqqinnerusunik aalajangersaasinnaasoq siunnersuutigineqarpoq.

Inatsisissatut siunnersuutip saniatigut inatsiseqarnermut ministeri kunnqip peqqussutaatigut pillaaasarnermik inatsisip, eqqartuussisarnermik inatsisip, aningaasarsianik malunnarunnaarsaasarneq pillugu inatsisip aamma inatsisit allat assigiinngitsut attuumassuteqartutigit allanngortinneqarnissaannut inatsisissatut missingiummik suliaqarsimavoq. Uani allannguutit kingunerisaannik allannguinerit pineqarput.

Missingersuummut Naalackersuisut oqaaseqaataat

Inatsisinik unioqquitsinerup immikkut ittumik annertussuseqarnera, aamma Kalaallit Nunaanni Politiit sulianik misissuinissaminnut pisariaqartinneqartunik isumalluutunik peqanngitsillugit, suliat isumalluutunik atuiffiunerpaat aamma assigiinngitsunik katitigaanerpaat pillugit Pinerlunnernut Immikkut Isigisarialinnut Nuna tamakkerlugu Immikkoortortap misissuisoqarnerani ikuunnissamut piginaasaqartinneqarnissaanik Kalaallit Nunaanni Politiit kissaateqarnerat ingammik tunngavigalugu, siunnersuut saqqummiunneqarpoq.

Pinerluutit katitigaasut misissuiffigineqartarnerannut eqqartuussivinnullu tunniunneqartarnerannut tunngatillugu, Kalaallit Nunaanni inuiaqatigiit Danmarkimisulli sullinneqalernissaat taamaalilluni qulakkeerneqassammat, Naalackersuisut naammagisimaarpaat.

Pisortani aningaasarsiornikkut allaffissornikkullu kingunerisassat

Soqanngilaq. Suliassaqaarfik naalagaaffiup oqartussaasuisa ataaniippoq, aamma Immikkut ittumik pinerluuteqarneq pillugu Nuna tamakkerlugu Immikkoortortaqaarfik pilersinneqarmat, isumalluutit pisariaqartinneqartut ukiunut arlalinnut isumaqatigiisummi ilanngunneqareerput.

Aningaasaqarnikkut allaffissornikkullu namminersorlutik inuussutissarsiutilinnut kingunerisassat

Soqanngilaq.

Innuttaasunut aningaasaqarnikkut allaffissornikkullu kingunerisassat

Soqanngilaq.

Tusarniaaneq

Inatsiseqarnermut ministereqarfiup tusarniaaneq ingerlassimavaa, tassani kalaallit nunaanni oqartussaasut naleqquttut ilanngunneqarsimapput. Siunnersuut piffissami 2023-imi 1. januarimiit 6. februarimut tusarniutigineqarsimavoq. Tusarniaaneq oqaaseqaateqarnissamik pissutissaqartitsisimangilaq, taamaammallu tusarniaanermut nalunaarsuutip oqaasertalersugaq suliarineqarsimangilaq.

Ilanngussat

1. Kalaallit Nunaanni eqqartuussisarnermik inatsisip allanngortinneqarnissaa pillugu inatsisissatut siunnersuut pillugu (Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaannut piginnaatitaanera il. il.) kiisalu pillaaasarnermik inatsisip, eqqartuussisarnermik inatsisip, aningaasanik

malunnaarunnaarsaasarneq pillugu inatsisip aamma inatsisit allat assigiinngitsut pillugit inatsisip allangortinneqarnerata ilaanik peqqussutikkut Kalaallit Nunaannut atuutilersitsinissamut missingiut pillugu eqikkaaneq

2. Kalaallit Nunaanni eqqartuussisarnermik inatsisip allangortinneqarnissaanut inatsisissatut siunnersuut (Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaannut piginnaatitaanera il. il.)
3. Pillaasarnermik inatsisip, eqqartuussisarnermik inatsisip, aningaasanik malunnaarunnaarsaasarneq pillugu inatsisip aamma inatsisit allat assigiinngitsut pillugit inatsisip allangortinneqarnerata ilaanik peqqussutikkut Kalaallit Nunaannut atuutilersitsinissamut missingiut